



partii naleraq

UKA 2016/106-01

24-10-2016

Naalakkersuisut UKA17-mut Nunatta nunatut issittumiittutut inissisimanera nunarsuarmioqatigiinnilu inissisimanerput pillugu politikkikkut periarfissarisai aallaavigalugit, Issittoq pillugu periusissiamik suliaqarnissaannik Inatsisartut aalajangiiffissaattut siunnersuut.

(Inatsisartunut ilaasortaq Sara Olsvig, Inuit Ataqatigiit)

Inatsisartunut ilaasortaq Sara Olsvig, Inuit Ataqatigiinneersup siunnersuutaa Partii Naleraq sinnerlugu imannak oqaaseqarfigissuarput:

Partii Naleqqami qularutiginnngisaannarparput, uagut nunatsinni inuusugut najungaartugullu, issittoq pillugu sutigut tamatigut issittumi atugassarititaasut ullut tamaasa takusinnaallugillu malugisinnaasavut tunngavigalugit ilisimasaqarnerpaajungatta.

Taamaammat siunnersuut tunngaviatigut isumaqatingaarput, kisianni isumaqarpugut, uagut maani nunatsinni nammineerluta nunarput issittumiittoq pillugu periusissiamik peqartariaqartoq.

Aamma isumaqarpugut maanna issittoq pillugu danskit periusissiaata atuuttup 2020-imi atorunnaarsinneqarnissaa utaqqiinnassanngikkipput.

Tassami nunatsinni Namminersorneq eqqunneqareerpoq aamma nunatta nammineq Naalagaaffinngornissaa tulliullugu anguniagaavoq, taamaattumik pisariaqarpoq nunarput namminerisaminik issittoq pillugu periusissiamik peqassalluni.

Tassami inuit maani nunaqartugut, atugarissaarnikkut, inuussutissarsiornikkut, angallannikkut allarpassuartigullu atugassarititaasut pitsaanerpaat anguniarlugit sutigut tamatigut oqaatsvut kultur-erpullu tunngavigalugit qulakkeerunneqarnissaat illersussallugu pisariaqarmat.

Taama naatsumik oqaaseqarluta siunnersuutip aappassanneerpeqannginnerani nunanut allanut sillimaniarnermullu ataatsimiititaliami suliarineqarnissaa inassutingaarput.

Anthon Frederiksen